

**ACTA DA REUNIÓN ORDINARIA DA COMISION INFORMATIVA DE IGUALDADE, POLÍTICAS SOCIAIS, FAMILIA E RETO DEMOGRÁFICO CELEBRADA O DIA 18 DE OUTUBRO DE 2024**

**PRESIDENTA:**

**Dona María Sandra Bastos Míguez**

**VOGAIS:**

**Dona María Nava Castro Domínguez**

**Dona Luisa María Sánchez Méndez**

**Don Rafael Domínguez Artime**

**Don Jorge Cubela López**

**Dona Belén Cachafeiro Anta**

**Dona María Pilar Ramallo Vázquez**

**Don Manuel Alejandro Lorenzo Alonso**

**Don Jesús Vázquez Almuiña**

**Dona Ana Laura Iglesias González**

**Don Gregorio Luis Agís Gómez** en  
substitución de **Don Carlos Gómez Prado**

**Dona Digna Rosa Rivas Gómez**

**Don Gorka Gómez Díaz**

**Dona Nuria Rodríguez Rodríguez**

**Don Javier Iglesias Mougán**

**Dona María Manuela Rodríguez Pumar**

**Dona María Ortega Iñarrea**

En Pontevedra, sendo as doce horas e once minutos do día 18 de outubro de 2024, reúnense na Sala de Xuntas da Deputación de Pontevedra, baixo a Presidencia de Dona María Sandra Bastos Míguez, as señoras e señores deputados que ó marxe se sinalan, membros da Comisión Informativa de Igualdade, Políticas Sociais, Familia e Reto Demográfico

Actúa como Secretaria, Dona Ana Isabel Amoedo Garrido, coordinadora xeral Servizos Educativos CPF.

Aberta a Sesión pola Presidencia, adoptáronse os seguintes acordos:

1. **APROBACIÓN DO BORRADOR DA ACTA DA SESIÓN ORDINARIA DO 20 DE SETEMBRO DE 2024** (Expediente 2024063346)

A comisión acorda prestar aprobación, por unanimidade, a acta da sesión ordinaria celebrada o día 20 de setembro de 2024.

2. **DAR CONTA DA CONVOCATORIA DA PRIMEIRA EDICIÓN DE PREMIOS SOCIAIS** (Expediente 2024063222)

Dende o Servizo de Benestar Social elaboran informe para dar conta ás persoas asistentes á Comisión Informativa de Igualdade, Políticas Sociais, Familia e Reto Demográfico da convocatoria da Primeira edición dos *Premios Sociais*, cuxo contido literal é o seguinte:



**"DATOS DE INTERESE:**

- *Bases reguladoras aprobadas por Resolución Presidencial núm. RP2024007949 de 11 de outubro de 2024.*
  - *Publicación no BOPPO de 14 de outubro de 2024.*
  - *As bases teñen por obxecto aprobar a convocatoria da primeira edición dos Premios Sociais da Deputación de Pontevedra no ano 2024.*
  - *A finalidade destas bases será recoñecer a traxectoria, o esforzo e o compromiso no marco dos servizos sociais das persoas, entidades e proxectos que traballan no eido social.*
  - *As categorías ás que se pode optar aos premios son:*
    - *Premio a toda unha vida profesional no eido social.*
    - *Premio a unha entidade de iniciativa social pola súa traxectoria.*
    - *Premio a un proxecto ou a unha iniciativa polo seu impacto social.*
  - *Poderán beneficiarse destes premios sociais as persoas físicas ou xurídicas que reúnan os requisitos recollidos a continuación e que desenvolvan ou desenvolvesen actuacións nalgunha das categorías previstas:*
    - *Premio a toda unha vida profesional no eido social: persoas físicas que na data de publicación destas bases estean empadroadas nalgún concello da provincia de Pontevedra.*
    - *Premio a unha entidade de iniciativa social pola súa traxectoria: entidades de iniciativa social sen ánimo de lucro e legalmente constituídas e inscritas no Rexistro Único de Entidades Prestadoras de Servizos Sociais de Galicia con sede social ou delegación na provincia de Pontevedra.*
    - *Premio a un proxecto ou iniciativa polo seu impacto social: entidades públicas e privadas sen ánimo de lucro e legalmente constituídas e inscritas no rexistro público correspondente con sede social na provincia de Pontevedra.*
- Todas as persoas físicas ou xurídicas deberán estar ao corrente das súas obrigas tributarias coa Axencia Estatal de Administración Tributaria (AEAT), coa Axencia Tributaria de Galicia (ATRIGA), coa Seguridade Social e coa Deputación de Pontevedra.*
- *O prazo para a presentación de solicitudes será de un (1) mes, contados a partir do día seguinte ao da publicación das bases e do extracto da convocatoria no Boletín Oficial da Provincia de Pontevedra e na Base de Datos Nacional de Subvencións (BDNS).*
  - *A contía consignada para estes premios ascende a quince mil (15.000,00) euros, con cargo á aplicación 24/231.2313.480.01 do Orzamento provincial.*



*Haberá unha dotación económica de tres mil (3.000,00) euros para a modalidade de premio a toda unha vida profesional no eido social, e dous premios de seis mil (6.000,00) euros nas categorías de premio a unha entidade de iniciativa social pola súa traxectoria e premio a un proxecto ou iniciativa polo seu impacto social.*

- *A selección e a concesión dos premios obxecto desta convocatoria realizaranse segundo a proposta dunha comisión de valoración nomeada polo presidente da Deputación de Pontevedra ou pola deputada ou deputado en quen delegue.*
- *Estes premios entregaranse nun acto público, convocado para tal fin, no que se porán en valor a traxectoria da persoa premiada e o papel destacado das entidades premiadas”.*

A Comisión Informativa de Igualdade, Políticas Sociais, Familia e Reto Demográfico queda enterada do contido de dito informe.

### **3. DAR CONTA DA CONVOCATORIA DA CUARTA EDICIÓN DOS PREMIOS MULLERES NO FOCO (Expediente 2024,029657)**

Dende o Servizo de Igualdade elaboran informe para dar conta ás persoas asistentes á Comisión Informativa de Igualdade, Políticas Sociais, Familia e Reto Demográfico da convocatoria da cuarta edición dos *Premios Mulleres no foco*, cuxo contido literal é o seguinte:

*“A Deputación de Pontevedra, atendendo a un dos seus principios reitores, a igualdade de oportunidades entre mulleres e homes, un ano mais, quere dar apoio ás mulleres galegas do sector audiovisual convocando a **cuarta edición dos Premios #Mulleres no foco**.*

*Dada a invisibilidade que sofren as mulleres e súa menor presenza, especialmente nos postos relacionados coa toma de decisións e nos de maior prestixio social, dende a Deputación en colaboración coa Asociación de Mulleres Cineastas e de Medios Audiovisuais (CIMA), convoca por cuarto ano, estes premios co fin de por en valor o traballo da muller no audiovisual galego, e mudar as cifras de infrarrepresentación actuais das profesionais do sector.*

*Unha vez emitidos os respectivos informes favorable de Secretaría Xeral e Intervención, segundo consta no expediente (Cód. Expediente 2024,029657), aprobábanse pola Resolución presidencial núm. RP2024,004354, de 27 de maio de 2024, as bases que rexen a convocatoria da IV Edición dos Premios #Mulleres no foco, sendo publicadas no Boletín Oficial da Provincia Núm. 183, do 19 de setembro de 2024.*

*Trátase dunha convocatoria aberta para a recepción de candidaturas nas que se recoñecen a achega destacada de mulleres profesionais no audiovisual galego, preferentemente a través dunha obra realizada e presentada ou dun labor profesional especialmente salientable levado a cabo durante o ano 2023, ou tamén a súa traxectoria profesional consolidada.*



*As candidaturas os premios #MULLERESNOFOCO, correspondentes o ano 2023, serán presentadas polas persoas que conformen o xurado dos premios ou polas entidades locais, culturais ou profesionais de ámbito galego que pola súa natureza, fins ou obxectivos estean relacionadas co sector audiovisual.*

*As premiadas nas pasadas edicións non poderán ser propostas para esta segunda edición.*

*As candidaturas poden presentarse no prazo dun mes, contados a partir do día seguinte a publicación desta convocatoria no Boletín Oficial da Provincia de Pontevedra (BOPPO). O prazo de presentación remata o 21 de outubro de 2024.*

*A contía total prevista para estes premios será de 15.000 €, con cargo á aplicación orzamentaria 24/250.2315.480.03, do vixente orzamento provincial. Haberá 3 premios con cadansúa dotación económica de 5.000€.*

*As Bases reguladoras da convocatoria quedan redactadas de dita forma:*

***"Bases reguladoras da cuarta edición dos Premios #Mulleres no Foco***

*A Deputación de Pontevedra, atendendo a un dos seus principios reitores, a igualdade de oportunidades entre mulleres e homes, é consciente da necesidade de dotar de recursos que creen as condicións necesarias para reducir as fendas de xénero aínda existentes.*

*Por iso, un ano máis, convoca unha nova edición dos Premios #Mulleres no Foco de apoio ás mulleres do sector audiovisual, dado que, aínda a día de hoxe, tal e como se recolle en diferentes estudos, as mulleres seguen precisando apoio e visibilidade na maior parte das profesións vinculadas a este sector, feito que se acentúa nos postos relacionados coa toma de decisións e nos de maior prestixio social.*

*Estes premios, promovidos pola Deputación de Pontevedra en colaboración coa Asociación de Mulleres Cineastas e de Medios Audiovisuais (CIMA), teñen como obxectivo poñer en valor o traballo da muller no audiovisual galego co fin de mudar as cifras de infrarrepresentación actuais das profesionais do sector.*

*Trátase dunha convocatoria aberta á recepción de candidaturas, nas que se distinguirán perfís con perspectiva de xénero, activistas polo recoñecemento da muller no sector e impulsoras do emprego feminino no audiovisual galego, obviamente alén da súa traxectoria persoal e do seu talento.*

*A igualdade como dereito está recollida nos artigos 9.2 e 14 da Constitución española e tamén na Lei orgánica 1/1981, de 6 de abril, do Estatuto de Autonomía de Galicia. En ambas as normas sinalase que os poderes públicos teñen a obriga de promover as condicións para que a liberdade e a igualdade das persoas sexan reais e efectivas. O principio de igualdade de trato entre mulleres e homes supón a ausencia de calquera discriminación, directa ou indirecta, por razón de xénero en todos os ámbitos da vida, concretamente nas áreas económica, social, laboral, cultural e educativa.*



*Na Lei orgánica 3/2007, de 22 de marzo, para a igualdade efectiva de mulleres e homes, que se constitúe como o marco xurídico e legal da igualdade entre mulleres e homes a nivel de todo o Estado español; na Lei orgánica 1/2004, de 28 de decembro, de medidas de protección integral contra a violencia de xénero; e na Lei 7/2023, de 30 de novembro, para a igualdade efectiva de mulleres e homes de Galicia, recóllese que os poderes públicos incorporarán, no marco das súas competencias, medidas tendentes a acadar a igualdade efectiva e impulsarán campañas de información e sensibilización específicas co fin de previr a violencia de xénero.*

*No artigo 36.1 d) da Lei 7/1985, de 2 de abril, reguladora das bases de réxime local, establécese como competencia propia das deputacións provinciais a cooperación no fomento do desenvolvemento económico e social e na planificación no territorio provincial.*

*Do mesmo xeito, no artigo 109.1 d) da Lei 5/1997, de 22 de xullo, de Administración local de Galicia, determínanse como competencias propias das deputacións o fomento e a administración dos intereses peculiares da provincia, e no artigo 118 d), a organización de concursos e exposicións e de calquera outra actividade cuxa finalidade sexa o fomento en materia de cultura, educación e deporte.*

*Por iso, a Deputación de Pontevedra establece as bases reguladoras dunha nova edición, ao abeiro do establecido na Lei 38/2003, de 17 de novembro, xeral de subvencións (LXS); na Lei 39/2015, de 1 de outubro, do procedemento administrativo común das administracións públicas (LPACAP); na ordenanza reguladora de subvencións da Deputación de Pontevedra; e na demais normativa de aplicación, de acordo coas seguintes*

## **BASES REGULADORAS**

### **Primeira. Obxecto**

*Constitúe o obxecto destas bases aprobar e regular a convocatoria dos Premios #Mulleres no Foco, cuxa finalidade é incentivar, apoiar e recoñecer o papel das profesionais galegas do audiovisual para incidir de forma directa na súa participación e promoción no sector.*

*A participación e a concesión dos premios efectuaranse en réxime de concorrencia competitiva, de acordo cos principios de publicidade, transparencia, obxectividade, igualdade e non discriminación, ademais dos de eficacia no cumprimento dos obxectivos fixados e de eficiencia na asignación e o uso dos recursos públicos.*

### **Segunda. Orzamento**

*Os fondos destinados a estes premios irán con cargo á aplicación orzamentaria 24/250.2315.480.03 do Orzamento ordinario do organismo provincial e o importe máximo ascende a quince mil (15.000) euros.*



### **Terceira. Premios**

*Os premios recoñecen a achega destacada de mulleres profesionais no audiovisual galego, preferentemente a través dunha obra realizada e presentada ou dun labor profesional especialmente salientable levado a cabo durante o ano 2023, ou tamén a súa traxectoria profesional consolidada.*

*Haberá tres (3) premios con cadansúa dotación económica de cinco mil (5.000) euros.*

*As premiadas nas pasadas edicións dos Premios #Mulleres no Foco non poderán ser propostas para esta nova edición.*

*Estes premios estarán suxeitos á retención do IRPF correspondente á lexislación vixente no momento da resolución.*

*Antes da entrega dos premios, as persoas premiadas deberán declarar responsablemente que están ao corrente das súas obrigas tributarias coa Axencia Estatal de Administración Tributaria, coa Facenda autonómica da Xunta de Galicia, coa Seguridade Social e coa Deputación de Pontevedra.*

*O premio pagarase mediante transferencia á conta bancaria indicada pola premiada da que sexa titular a persoa beneficiaria.*

*O xurado reservará o dereito a declarar deserto algún dos premios.*

### **Cuarta. Xurado**

*As premiadas serán seleccionadas por un xurado, nomeado para estes efectos mediante unha resolución presidencial, que estará composto por:*

- *Presidenta: a xefa do Servizo de Igualdade ou a persoa en quen delegue*
- *Secretaria: unha técnica do Servizo de Igualdade*
- *Vogais:*
  - *O xefe do Servizo de Cultura ou a persoa en quen delegue*
  - *Unha persoa designada pola Academia Galega do Audiovisual*
  - *Unha persoa designada pola Asociación Galega de Profesionais da Dirección e Realización (CREA)*
  - *Unha persoa designada pola CIMA*
  - *Unha persoa designada pola Asociación de Actores e Actrices de Galicia (AAAG)*
  - *Unha persoa designada pola Asociación Sindical de Guionistas (AGAG)*
  - *Unha persoa designada pola Coordinadora Galega de Festivais (Proxecta)*
  - *Unha persoa designada pola Asociación Galega de Produtoras Independentes (AGAPI)*



*Esta resolución de nomeamento publicárase na Sede electrónica da Deputación de Pontevedra.*

*O xurado analizará as candidaturas presentadas e valoraráas tendo en conta a traxectoria e o talento das candidatas, a inclusión da perspectiva de xénero nos seus traballos, e o activismo na defensa e no recoñecemento do talento feminino no sector audiovisual.*

*O xurado poderá contar coa presenza e coa asistencia de expertas e expertos nas diferentes áreas e solicitar tanta información adicional considere oportuna para a súa resolución.*

*As persoas integrantes do xurado percibirán as indemnizacións correspondentes por gastos de asistencia ás reunións nas que se redacte acta, nas mesmas condicións que os cargos electos, cos importes establecidos na base 52.ª.2.b) do Orzamento da Deputación Provincial de Pontevedra de 2024. Estes gastos imputaráselle á aplicación orzamentaria 24/250.2315.226.99.*

#### **Quinta. Presentación das candidaturas**

*As candidaturas aos Premios #Mulleres no Foco correspondentes ao ano 2024 serán presentadas polas persoas que formen parte do xurado dos premios ou polas entidades locais, culturais ou profesionais de ámbito galego que pola súa natureza ou obxectivos estean relacionadas co sector audiovisual.*

*As candidaturas presentaranse por vía electrónica a través do formulario normalizado dispoñible na Sede electrónica da Deputación de Pontevedra (<https://sede.depo.gal>).*

*Para a presentación das candidaturas a Sede electrónica admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNIe).*

#### **Sexta. Prazo para a presentación de candidaturas**

*As candidaturas presentaranse no prazo dun (1) mes, contado a partir do día seguinte ao da publicación desta convocatoria no Boletín Oficial da Provincia de Pontevedra (BOPPO) e na Base de Datos Nacional de Subvencións.*

#### **Sétima. Documentación**

*Xunto coa solicitude, deberá achegarse a seguinte documentación:*

- *Currículo da candidata*
- *Proposta razoada, na que se inclúa información sobre o proxecto ou o labor salientable realizados en 2023 polos que se propón como candidata*
- *Calquera documentación que se estime necesaria para a posterior valoración por parte do xurado*





*Esta documentación presentarse por vía electrónica. Excepcionalmente, a Deputación de Pontevedra poderá requirir a presentación do documento orixinal para cotexalo coa copia electrónica achegada.*

#### **Oitava. Instrución e resolución do procedemento**

*A instrución do procedemento corresponderalle á xefa do Servizo de Igualdade.*

*A concesión aprobaraa o órgano competente, logo da fiscalización de Intervención.*

*A resolución derivada da decisión do xurado farase pública no BOPPO, de conformidade co establecido no artigo 45 da LPACAP. Así mesmo, tamén se publicará en [www.depo.gal](http://www.depo.gal). Ambas as publicacións expresarán o réxime de recursos correspondente.*

*O ditame do xurado será inapelable.*

#### **Novena. Acto de entrega dos premios**

*Os Premios #Mulleres no Foco 2024 entregaranse nun acto público, convocado para tal fin, no que se porán en valor a traxectoria das premiadas e o papel destacado das mulleres no sector audiovisual.*

*A Deputación de Pontevedra notificaralles ás premiadas, coa suficiente antelación, a data e mais o lugar de celebración da entrega dos premios.*

#### **Décima. Pagamento**

*O aboamento dos premios realizarase unha vez publicada a resolución definitiva. Así mesmo, de acordo co establecido no artigo 101 da Lei 35/2006, de 28 de novembro, do imposto da renda das persoas físicas, a retención que se lles practicará ás premiadas que sexan persoas físicas será do 15 % do importe.*

#### **Décimo primeira. Protección de datos**

*Os datos persoais obtidos neste procedemento serán tratados pola Deputación de Pontevedra, en calidade de órgano responsable, coa finalidade de xestionar este procedemento, verificar os datos e os documentos que a persoa interesada declare na súa solicitude para comprobar a súa exactitude e levar a cabo todas as actuacións administrativas que, no seu caso, deriven.*

*A lexitimación para o tratamento dos datos baséase no cumprimento dunha tarefa de interese público ou no exercicio de poderes públicos segundo as normas de rango legal recollidas no apartado "normativa aplicable", dispoñible na ficha de procedemento en <https://sede.depo.gal>.*





*Os datos persoais obtidos neste procedemento serán obxecto de comunicación ás administracións públicas no exercicio das súas propias competencias ou cando sexa necesario para que a cidadanía poida acceder de forma integral á información relativa a unha materia.*

*As persoas interesadas poderán acceder, rectificar e suprimir os seus datos, así como exercer outros dereitos ou revogar o consentimento segundo o previsto en <https://depo.gal/proteccion-de-datos/exercicio-de-dereitos>.*

#### **Décimo segunda. Réxime xurídico**

*Ademais de por estas bases, a convocatoria rexerese polas seguintes disposicións:*

- LXS
- Real decreto 887/2006, de 21 de xullo, polo que se aproba o Regulamento da LXS
- Lei 9/2007, de 13 de xuño, de subvencións de Galicia
- Ordenanza xeral de subvencións da Deputación de Pontevedra
- Bases de execución do Orzamento xeral da Deputación de Pontevedra para o exercicio de 2024
- LPACAP
- Demais lexislación aplicable”.

A Comisión Informativa de Igualdade, Políticas Sociais, Familia e Reto Demográfico queda enterada do contido de dito informe.

#### **4. ROGOS E PREGUNTAS.**

Non se levan a cabo intervencións neste apartado.

E non habendo máis asuntos, a presidenta levanta a sesión, sendo ás doce horas e catorce minutos, do que eu, como secretaria, dou fe.

*Asinada dixitalmente na data que figura na marxe.*

